

VENDIM
Nr. 464, datë 31.7.2025

**PËR DISA NDRYSHIME DHE SHTESA NË VENDIMIN NR. 607, DATË 31.8.2016,
TË KËSHILLIT TË MINISTRAVE, “PËR KRIJIMIN, PËRBËRJEN, ORGANIZIMIN
DHE FUNKSIONIMIN E AGJENCISË KOMBËTARE TË KËRKIMIT SHKENCOR
DHE INOVACIONIT (AKKSHI)”**

Në mbështetje të nenit 100 të Kushtetutës, të nenit 10, të ligjit nr. 9000, datë 30.1.2003, “Për organizimin dhe funksionimin e Këshillit të Ministrave”, të neneve 12 e 13, të ligjit nr. 80/2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, dhe të nenit 6, të ligjit nr. 90/2012, “Për organizimin dhe funksionimin e administratës shtetërore”, me propozimin e ministrit të Arsimit dhe Sportit, Këshilli i Ministrave

VENDOSI:

1. Në vendimin nr. 607, datë 31.8.2016, të Këshillit të Ministrave, “Për krijimin, përbërjen, organizimin dhe funksionimin e Agjencisë Kombëtare të Kërkimit Shkencor dhe Inovacionit (AKKSHI)”, bëhen këto ndryshime dhe shtesa:

a) Shkronja “b”, e pikës 4, ndryshohet, si më poshtë vijon:

“b) Shpërndarjen e fondeve për programet e kërkimit shkencor, mbi bazën e projekteve të paraqitura nga institucionet e arsimit të lartë, institucionet publike e jopublike dhe punonjësit kërkimorë-shkencorë, që kanë për objekt të veprimtarisë kërkimin shkencor në fushat e shkencave natyrore, inxhinierike dhe teknologjike, mjekësore, bujqësore, sociale e humane.”.

b) Pas shkronjës “e”, të pikës 4, shtohet shkronja “ë”, me këtë përmbajtje:

“ë) shpërndarjen e fondeve, bazuar në kriteret e miratuara nga bordi i administrimit, sipas marrëveshjeve të përbashkëta ndërmjet institucioneve të arsimit të lartë, vendase dhe të huaja, në kuadër të ndërkombëtarizimit të arsimit të lartë dhe kërkimit shkencor.”.

c) Paragrafi i parë dhe shkronja “a”, të pikës 8 ndryshohen, si më poshtë vijon:

“8. Bordi i administrimit është organ kolegjal vendimmarrës, që kryesohet nga ministri përgjegjës për shkencën dhe kërkimin shkencor ose zëvendësministri i autorizuar prej tij dhe ka në përbërje:

a) ministrin përgjegjës për inovacionin;”.

2. Ngarkohet Ministria e Arsimit dhe Sportit për zbatimin e këtij vendimi.

Ky vendim hyn në fuqi pas botimit në Fletoren Zyrtare.

ZËVENDËSKRYEMINISTËR
Belinda Balluku